

Kete Haumaru Tuihono Mā Ngā Mātua

Te aratohu a Netsafe hei āwhina i
ngā mātua me te whānau kia noho
haumaru tā rātau tamaiti i runga
ipurangi





He nui ake te whai wāhi atu o ngā taiohi e tipu ake ana ki ngā hangarau matihiko tēnā i ētahi atu reanga. E mārama ana rātau me te urutau wawe ki ngā whai wāhitanga. Ā, ka pā mai he uauatanga ki a rātau anō i ētahi wā.

Koinei te take me mārama ia matua ki ngā mōrea tuihono, ā, me pēhea te tautoko i tā rātau tamaiti kia pai ake tōna wheako i runga ipurangi.

Ahakoa he wehenga nui pea kei waenga i ō kōrua mōhio ko tō tamaiti mō te hangarau matihiko, ehara i te mea me tohunga hangarau koe e āwhina ai koe i tō tamaiti. He ūrite anō te tika me te hē i runga ipurangi. Ka taea e koe te tuku pūkenga noho, tohutohu me ngā wheako kāore anō kia pā ki a ia, otirā mō te āhuatanga ki ngā mahi haumaru me te haumarutanga.

Nō reira, me pēhea te tīmata?

Kua whakaarahia e Netsafe tēnei utauta hei āwhina i ngā whānau ki te kōrero mō te haumaru tuihono. Ka taea te pānui i netsafe.org.nz/digitalparenting.



Ngā mahi e whitu hei āwhina i a koe ki te tīmata

He pou tarāwaho e whai ana i ngā mahi whaitake e whitu te Kete. He mea waihanga ki te hāpai ake i tō mōhio tiaki tamariki ā-mathihiko me te whakaū i ngā huatau haumaru tuihono hira.

4 WHAKAAE

Hangaia tētahi tikanga whānau me ō tamaiti kia whakaae tahi ai ki ngā mea ka taea e ia i runga ipurangi tae atu ki ngā pae hei toro, ngā whanonga tika, ngā tautuhinga tūmataitinga me ngā whātitanga.

1 MŌHIO

Me pānui i ngā tūmomo mōrea tuihono ka taea, ngā whakapātaritari, ā, i ētahi wā ko ngā whanonga takahi ture ka pā ki ngā taiohi kia mōhio ai ka aha.

5 WHAKAAKO

Te mōhio he tino rerekē ngā hiahia o tēnā tamaiti, o tēnā tamaiti, engari he whānui hoki ētahi huatau haumaru tuihono. Me tīmata mā te whakaako i tāu tamaiti ki [ngā mea e 5 hei āwhina i tō tamaiti kia momoho.](#)



2 AKO

Me pātai ki tō tamaiti he aha āna mahi, kei te kōrerorero ia ki a wai, ā, he pēhea tana whakamahi i ana pūrere kia mōhio koe ki ana mahinga. Me tirotiro haere koe kia kite ai koe i ngā mea ka rerekē.

3 HŌPARA

Me whai wā koe ki te hōpara i ngā pae, taupānga me ngā hangarau e whakamahia ana e tō tamaiti kia mōhio ake koe me te mārama ki tōna wheako.

6 TAUIRA

Me noho koe hei tauira pai mō tō tamaiti. Me whakarite kei te whakatauira koe i ngā mahi tika e hiahia ana koe kia kite ai koe whakamahia ana e tō tamaiti, ahakoa tuihono, ahakoa tuimotu rānei ia.

7 HANGA MAHERE

Me hanga mahere kia mōhio ai te katoa me aha ki te pā mai he raruraru, ā, me haere ki hea tiki tohutohu ai, tautoko hoki i ngā wā uaua.



Ngā tohutohu haumaru tuihono mā ngā mātua me ngā whānau

Kei reira ngā tūmomo mahi ka taea e koe hei āwhina i a koutou ko tō tamaiti kia haumaru ai koutou i runga ipurangi. Mā ā mātau tohutohu ka mōhio koe ki te kōrero ki tō tamaiti me te kōrerorero tonu mō te haumaru tuihono.







Te mōhio ki ngā uauatanga tuihono

Me ako i ngā mōrea me ngā whakapātaritari tuihono ka pā pea ki tō tamaiti.

He māmā ake ki ngā taiohi te tūhura i tō rātau tuakiri i runga ipurangi, te werowero i ngā ritenga me ngā tikanga pakeke, te whakamātautau i ngā whanaungatanga me te whai i ētahi tūmomo whanonga. Engari ko te maha o ngā mutunga iho me ngā pānga o ēnei mea he nui ake i runga ipurangi.


Kua kitea e ngā rangahau a Netsafe tata ki te 19 ūrau o ngā taiohi o Aotearoa i pā ki tētahi whakawhitiwhiti matihiko tē hiahiatia, ā, i pā kino tēnei ki ā rātau mahi o ia rā.

I kitea anō e taua rangahau ko te urupare a te nuinga o ngā taiohi he ārai i te tangata, kāore i aro atu, i pūrongo rānei i te raruraru ki tētahi pakeke. Ahakoa he rerekē ngā whakapātaritari ka pā ki ngā taiohi e ai ki tō rātau taipakeke me ā rātau mahi i runga ipurangi, kei reira ētahi whakapātaritari hira me mōhio ia matua.

Anei ngā whakapātaritari e rima i tukuna taipitopitotia e mātau:

1. Te whakaweti tuihono
2. Ngā whakapāpā kāore i te hiahiatia
3. Pāpāho pāpori
4. Tuku karere taera
5. Ngā ihirangi pakirara

Ko te wāhanga 'Mōhio' te mahi tuatahi i roto i tā mātau pou tarāwaho. Ka kitea e koe ētahi atu kōrero i netsafe.org.nz/understand



Te whakaweti tuihono

E ai ki ngā rangahau a Netsafe, kotahi te taiohi i roto i te tokorima i Aotearoa ka whakawetihia i runga ipurangi i ia tau. Ka pā mai ina whai tētahi tangata, rōpū rānei i tētahi mahi tuihono e pā mai ai te ahotea, matakutu, ētahi atu kare-ā-roto kino rānei ki tētahi atu tangata. Ko te kaupapa ake o tā rātau mahi i tēnei he whakamamae i te tangata, ka mutu ehara i te mahi takitahi.

He mea hanga te Harmful Digital Communications Act hei āwhina i ngā tāngata i Aotearoa e pokea ana e ētahi atu i runga tuihono. Ka whakatakoto i ngā mātāpono whakawhitihiti kōrero 10 ka ārahi me pēhea te whakawhitihiti i runga tuihono. Kua kapi ētahi momo whakaweti i tēnei ture. Kua kapi i tēnei ture ētahi atu mea pērā i te whakahau i ētahi atu ki te whakamate i a rātau anō (he takahi ture tēnei) me te tuari i ngā pikitia kirikau, āhua kirikau rānei me te kore whakaae a te tangata kei roto i ngā pikitia.

Me pēhea te āwhina

Me ako i tō tamaiti me aha ia mēnā ka whakawetihia i runga ipurangi kia whai ia i ngā tikanga hei whakarite i tērā. Me whakamārama i te nuinga o te wā kāore e ngaro atu, tērā pea ka tino hē kē atu me te uru mai anō pea o ētahi atu.

Me kōrero ki tō tamaiti mō ō hiahia mō tōna āhua ki ētahi atu i runga ipurangi. Arā:

- Te tohutohu i a ia mēnā kāore i te pai i te ao tūturu, kāore i te pai i runga ipurangi
- Te pātai ki tō tamaiti kia whakaaro ki te āhua o te tangata e whakawetihia i runga ipurangi
- Te whakamaumahara i a ia kia haere mai ki a koe, te whānau, he pakeke e whirinaki ana ia, tōna kura, a Netsafe rānei mō ngā āwhina
- Te whakamārama he ture kei reira me pēhea te whakawhitihiti tuihono. He tuku motika mō te tangata, me ngā kawenga hoki mō ngā tikanga whakawhitihiti me ētahi atu

Ko tētahi atu mea hira mēnā kua whakawetihia tō tamaiti i runga ipurangi he tango topengamata, URL rānei o ngā ihirangi ka pūrongo ki te pūhara kei runga ngā ihirangi (hei tauira, te pāpāho pāpori, pūhara kēmu).

E wātea anō he āwhina i netsafe.org.nz/what-is-online-bullying



Ngā whakapāpā kāore i te hiahiatia

I te motuhake haere ake o te āhua o tō tamaiti i runga ipurangi, ka taea e ia te tūhono me te whakawhitiwhiti me ngā tāngata kāore ia i te mōhio. I te nuinga o te wā he āhuatanga pai tēnei, engari i ētahi wā kei te poipoitia pea tō tamaiti, kei te kōrero rānei ia ki tētahi tangata e rūkahu ana ko wai ia.

Ko te poipoi tuihono ko te whakamātau a te tangata ki te whakarite i tētahi āhuatanga taitōkai mā te hangarau matihiko. Ka whakataruna ētahi tāngata he taiohi anō rātau me te whakamahi i tētahi kīwhaiaro rūpahu (he āhua ōrite ki te kiriparau), ā, ka whakamahia e ētahi atu ā rātau ake kīwhaiaro mēnā kāore rātau i te tino pakeke. Ka whakataruna pea ki te whai i ngā kaingākau ōrite, te whai hoa ōrite rānei mā te tirotiro i te kīwhaiaro pāpāho pāpori a te taiohi.

Mēnā kāore anō kia kōrerorero noa ki te taiohi mā te tuku karere tūmataiti, tōtika rānei, ka ngana ia ki te heri i ngā kōrerorero ki tētahi wāhi kāore e kitea e ētahi atu. Ka whakamātau te kaipoipo kia tata ia ki te taiohi, ā, he roa pea te wā e mahi ana ia i tēnei i mua i te whakamātau i tētahi mahi hōkaka. I te nuinga o te wā, ka whakamahia e rātau ngā tikanga me ngā kōrero he pai te wairua me te whakatenatena i te tamaiti ki te whakapuaki mōhiohio whaiaro, ngā mea e kaingākautia ana e ia kia pono ai te whanaungatanga.

Me pēhea te āwhina


He mea nui kia mōhio tō tamaiti ka taea e ia te kōrero ki a koe ki te raru ia i runga ipurangi – ahakoa he aha ka pā mai, nō wai rānei te hē. E ai ki te pakeke o tō tamaiti ka hiahia anō pea ki te whai whakaweto i ngā taumahi kōrerorero kei runga i te kēmu ka pureitia e ia hei whakaiti i te tūpono pā mai o te whakamamae.

Me whakamārama ki tō tamaiti:

- He māmā mō te tangata ki te rūpahu he tangata kē ia i runga ipurangi
- Ngā pūtake e rūpahu ai te tangata he tangata kē ia i runga ipurangi
- Ngā tikanga hei whakahaere tuihono i ngā hoa
- Me aha ia ki te hiahia tētahi tangata ki te kōrero ki a ia, te whakahoa rānei i a ia
- Me pēhea te whiriwhiri mēnā kei te pono te tangata ko wai ia
- Me aha mēnā ka tino rerekē ngā āhuatanga ina kōrero ana ki tētahi hoa i runga ipurangi

Mēnā e whakapae ana koe kei te poipoitia tō tamaiti i runga ipurangi, whakapā atu ki ngā Pirihimana ka hopu i ngā whakaaturanga katoa ka taea.

He āwhina anō e wātea ana i netsafe.org.nz/grooming-and-online-predators



Pāpāho pāpori

Ko te taipakeke tamariki rawa mō te rēhita mō Pukamata, Tirimeme (TikTok), Kapoata (Instagram), Twitter (Tīhau) me Tiriata (YouTube) he 13 tau. Ko te take kei te tipu haere tonu te pūmanawa whakawhanaunga me te kare-ā-roto o te tamaiti e uua ai ki a ia te tautuhi me te whakarite i ngā uauatanga ka pā mai i runga pūhara i hangaia mō ngā pakeke me ngā taiohi.

Mēnā kei raro tō tamaiti i te 13 tau, ā, kei te hiahia ia ki te whakamahi i te pāpāho pāpori, me whakaaroaro koe mō tōna kaha ki te whakahaeere i ngā whakapātaritari tuihono ka taea i mua i te whakatū i tētahi kīwhaiaro. Ko te mea pai ake kia pono tō tamaiti ki a koe kia taea e koe ia te āwhina i runga ipurangi.

Me pēhea te āwhina

Me whakarite kua akona e koe ngā mea taketake haumaru tuihono ki tō tamaiti i mua i tana tīmata ki te whakamahi i te pāpāho pāpori. Ka taea e koe ia te āwhina mā te:

- Whakatū ngātahi i te pūkete
- Whakamahi i tō īmēra kaua tā tō tamaiti (kei te āhua o tōna pakeke)
- Whakauru i tōna ake rā whānau kia kore ai ia e kite i ngā ihirangi pakirara
- Whakahoa i a ia, te whai rānei i a ia
- Haere ki ngā pokapū haumaru o ngā pae pāpāho pāpori e whakamahia ana e ia
- Kōrero haere tonu mō te hiahia ki ngā tautuhinga tūmataitinga, me pēhea te whakarite i ngā tukituki pāpori tuihono, ā, me aha ki te māharahara ia

E wātea anō he āwhina i
netsafe.org.nz/privacy-settings-on-social-networks

Tuku Karere Taera

Ko te karere taera he tuku, he whiwhi rānei i ngā ihirangi kirikau. Kei roto ko ngā pikitia kirikau, ngā whakaahua i rō tarau roto, me ngā karere hōkaka, pikitia, ataata hoki. Me maha ngā take e tahuri ai ngā taiohi ki ngā karere taera tae atu ki te hōpara i ngā mahi ai me ngā whanaungatanga, ka pēhia rānei e tētahi hoa makau, ngā hoa rānei.

E ai ki ngā rangahau i Aotearoa he āhua iti te rahinga o te hunga e tukutuku ana i ngā pikitia kirikau mō rātau anō (he 4 ūrau o ngā taiohi i waenga i te 14-17 tau i uiuitia i mahia tēnei mahi). Kua nui ake te pā mai, ā, me te pēhi i te tangata i runga i te pōhēhē kei te mahia e te katoa, kotahi te tangata i roto i te tokorima i kī kua tonoa rātau ki te tuku pikitia kirikau.


Me pēhea te āwhina

Mā te kōrerorero ngākau tuwhera ka āwhina i tō taiohi kia mārama ia ki ngā pānga o te tuku pikitia kirikau. Me kōrero ki a ia mō ngā mōrea o te tuku mōhiohio whaiaro me ngā atahanga hōkaka, ka ahatia aua whakaahua, ataata rānei ina hangaia ka tuaritia.

He mea nui kia mōhio tō tamaiti he pēhea te māmā o te tuari haere o ngā ihirangi tūmataiti ki waho o te hunga mā rātau ake.

E wātea anō he āwhina i
netsafe.org.nz/sending-nudes-parents







Ngā ihirangi pakirara

I ētahi wā ka kite ngā taiohi i ngā ihirangi hē, weriweri, takahi ture rānei ahakoa kāore i āta rapua e rātau. Ka puta ake pea i a rātau e purei kēmu ana, ka tukuna pea he hono e tētahi, ka whakaaturia pea ngā atahanga hōkaka ina rapu ataata, ka puta ake rānei ngā ihirangi ohorere nā te hē o te tuhi i te kupu.

Kei roto pea i ngā ihirangi weriweri, takahi ture rānei ko ngā take, atahanga, ētahi atu mōhiohio rānei e rāhuitia ana i Aotearoa. Ka whakahārangi pea ngā ihirangi i tētahi taiohi ina kitea e ia.

Me pēhea te āwhina

He whakakohiku pea mō tō tamaiti ētahi o ngā mea ka kitea tuihonotia e ia. He mea nui kia whakapakari koe i a ia ina piki ia ki te ipurangi, ā, me kōrerorero haere tonu me ia mō ngā mea e kitea ana ia me ana mahi.

Anei ētahi atu mahi ka taea e koe:

- Me tirotiro haere i ngā mahi tuihono a tō tamaiti
- Whakamahia ngā utauta mana mātua hei tātari i ngā ihirangi ka whai wāhi atu tō tamaiti
- Me āta urupare mēnā ka kitea e tō tamaiti ngā ihirangi pakirara, ā, kua haere mai ki a koe kia āwhinatia ia
- Me whakamārama atu koe me aha mēnā ka pā mai anō tēnei, ā, kua e tango i ana pūrere, e aukati rānei i te whai wāhi atu mēnā ka tūpono ia ki ēnei momo ihirangi

E wātea anō he āwhina i
netsafe.org.nz/upsetting-content/



Me ako mō ngā mahi tuihono a tō tamaiti

Ko te mea māmā noa e mōhio ai koe mō ana mahi tuihono me pātai atu.

He mea nui kia mārama ake koe ki ngā mahi me ngā wheako tuihono o tō tamaiti, ngā mea e hiahia rānei ia ki te hōpara. **Me kōrero ki a ia mō ana mahi tuihono, he pēhea tana whakamahi i ngā pūrere me te hunga e kōrerorero ana ia.**

Me whai wā koe ki te āta kōrerorero ki a ia – ka pōhēhē koe pea he kēmu noa e tākarotia ana e tō tamaiti engari koinei pea te tikanga e tūhonohono, e whitiwhiti kōrero ana tō tamaiti ki hunga tauhou ki a ia.

E ai ki ngā rangahau he mea nui ngā mātua mō te haumaru, angitū, mātau hoki o te tamaiti mō te whakamahi i ngā hangarau matihiko. Ka āwhina ngā kōrerorero noa i te kāinga ki te whakaiti i ngā mahi kino mēnā ka raruraru i runga ipurangi. **Mā te pātai atu ki tō tamaiti he aha āna tohutohu ki tētahi hoa kua pā mai he uauatanga**



He aha i pai ai ki a ia ētahi taupānga, pae rānei?

Ko wai kei roto i tōna kāhui?

Kei te hanga puoro, ataata rānei?

He aha ngā mea kei te purei ia?

He aha ngā mōhiohio e tuaritia ana e ia?

ki a ia i runga ipurangi ka āwhina i a ia ki te kōrero. Ka āwhina anō i a koe kia mōhio ai koe he ūna mōhio, ūna mahi, ā, tōna whanonga.

Mā te aro atu ki a ia ka whakamāmā i ngā kōrerorero taumaha ki te pupū ake he raruraru.

Ko te wāhanga 'Whakaako' te mahi tuarua o tā tātau pou tarāwaho. Ka whiwhi mōhio atu anō koe i netsafe.org.nz/learn

Hōparatia te hangarau

Mēnā kāore koe i te mōhio he aha ngā mahi a tō tamaiti i runga ipurangi, me whakamātau.

Hōparatia ngā paetukutuku, taupānga me ngā hangarau e whakamahia ana e tō tamaiti. Ka āwhina tēnei ki te whakawhānui i tō mōhio, ā, ka mārama ake koe ki ngā uauatanga ka pā mai.

Kua e whakaririka ngā hangarau hou i te mea kei te whakamahia ēnei e ngā taiohi – mēnā kāore i te kāinga, kei te whakamahia kētia i ngā kāinga o ngā hoa, i te kura rānei.

Pātai atu ki tō tamaiti kia whakaaturia mai he pēhea te mahi a tana tino paetukutuku, pūrere rānei hei wāhi i ngā kōrerorero mō te haumaru tuihono. Me pātai ki a ia he pēhea tana tiaki i a ia anō kia haumaru ia, he aha ngā āhuahira e whakamahia ana e ia, ā, he pēhea tana tiaki i tōna tuakiri.

Me whai wāhi anō koe ki te pānui i ngā ture me ngā here. He whakamārama he aha te taipakeke tika o te tangata i mua i te whakamahi i te ratonga, ā, ka ahatia ngā mōhiohio ka tukuna e tō tamaiti.

Ko te wāhanga "Hōpara" te mahi tuatoru o tā tātau pou tarāwaho. Ka whiwhi mōhio atu anō koe i netsafe.org.nz/explore









Whakaae me te whakatakoto i ngā tūmanako

I ētahi wā kāore ngā taiohi i te mōhio ki ngā ture, me pēhea rānei te whakahaere i ūrātau ake ao.

Me kōrerorero mō te wheako ka pā pea ki tō tamaiti i runga ipurangi me ngā painga me ngā uauatanga. Me kōrero ki tō tamaiti mō ngā tūmomo whanonga e tika ana mōna me te whakaū i te kōrero ko ā rātau mahi ka mahue mai hei hāraunga matihiko pūmau.

Whakatakotohia ngā tūmanako mō:

- Tētahi wā tika i runga ipurangi
- Ngā taupānga me ngā pae e tika ana hei whakamahi
- He pēhea te pānga o tōna whanonga ki ētahi atu
- He aha ngā momo mōhio he pai ki te tuari tuihono
- Ki hea ia haere ai ki te tiki tohutohu tae atu ki a koe, tētahi pakeke e whirinaki ana ia, he kaiako, ki Netsafe rānei.

He rerekē ngā kaupapa e ai ki te taipakeke me te wāhanga o tō tamaiti – me ngā mea e rata ki a koe te matapaki.

He āwhina kei roto i ngā kōwhiringa hangarau pērā i ngā mana mātua, engari ka whaitake ake mēnā ka tāpiritia atu ki ngā matauranga haumaru tuihono.

He mahi whaitake te wehe mai i

tētahi wā mō te whānau katoa ki te waihanga i tētahi tikanga ā-whānau me tō tamaiti mō ngā mahi tuihono.

Ka taea e koe te kōrerorero mō ngā mea hira ki a koutou te whānau me ngā mea e hāngai ana ki a koutou katoa.

Me mārama ngā taiohi ka pā ngā uauatanga ki ngā tāngata katoa i runga ipurangi. Me kōrero mō ngā raru i pā mai ki a koe ahakoa pea he māmā noa iho pērā i tō wareware i tō kupuhipa me te whakamārama i pea tō whakatika.

Me whakatenatena i tō tamaiti ki te kōrero ki a koe mō ana mahi tuihono tae atu ki ngā mea whakapōraru ana i a ia. Ahakoa he aha, me te pūtake, kaua e riri.

Ko te wāhanga 'Whakaae' te mahi tuawhā o tā tātau pou tarāwaho. Ka whiwhi mōhio atu anō koe i netsafe.org.nz/understand

Me rapu me pēhea te whakamahi i ngā mana mātua i netsafe.org.nz/filters

Pānuitia ētahi atu kōrero mō te wā ka pau i runga ipurangi i netsafe.org.nz/screen-time

Whakaakona ngā mea taketake

Whakamōhiotia atu ngā mea taketake o te haumaru tuihono.

He pokapū haumaru tō te nuinga o ngā pāpāho pāpori me ngā whakahaere kēmu. Tirohia ngā pokapū haumaru me tō tamaiti ka whakaako i a ia me pēhea te whakamahi i ngā utauta e wātea ana. Me tīmata atu me pēhea te ārai i te tangata, me pēhea te pūrongo i ngā ihirangi, ā, me pēhea te whakamahi i ngā tautuhinga tūmataitinga. Me whakaako i tō tamaiti ki te hopu i ngā topengamata, ngā URL rānei mō te tūpono raruraru, ā, ka hiahiatia ana ēnei mōhiohio.

Ko tētahi atu mea ka whakaaroarohia e ngā mātua i tētahi wā mēnā me whiwhi pūrere tā rātau tamaiti. Mēnā kei te whakaaro ake koe ki te tiki pūrere mā tō tamaiti, tirohia ngā tohutohu i netsafe.org.nz/byod

Ko te wāhanga 'Whakaako' te mahi tuarima o tā tātau pou tarāwaho. Ka whiwhi mōhio atu anō koe i netsafe.org.nz/teach

Ko **ngā kupu aki e 5 a Netsafe hei āwhina i tō tamaiti kia momoho** tētahi o ngā utauta haumaru tuihono pai rawa ka taea e koe te whakaako:

1 Me noho maukati

Ka āwhina ngā kupuhipa me ngā waehere pine ki te whakamaru i te kīwhaiaro me ngā pūkete a tō tamaiti. Me whakatū ngā pine me ngā kupuhipa me ngā pūrere – ka whakaū anō i te kōrero kia kaua e tukuna ki ētahi atu i tua atu i a koe. Me tiki mōhiohio anō i netsafe.org.nz/passwords.

3 Me whaitake

Ko te hāraunga matihiko te ara 'maramara tāhiko' ka mahue i a koe i runga ipurangi, ā, me āta whakahaere. Ka tino roa pea te noho mai i muri hoki i tō rātau pōhēhē kua mukua e rātau, ā, ka whai i a rātau tae noa ki tō rātau pakeketanga. Rapu mōhio atu anō i netsafe.org.nz/digital-footprint.

2 Me noho matatapu

Ka noho mōrea ake tō tamaiti ki te tāhaetanga o tōna tuakiri, te poipoitia rānei mēnā ka tuihono te tuari whānui i ētahi mōhiohio i runga ipurangi. He mea nui kia tūpato ina tuari ana i ngā:


- Kupuhipa
- Wāhi noho
- Rā whānau
- Taipitopito pūtea pēke
- Taipitopito kura
- Tauwāhi o ngā taupānga
- Mōhiohio whaiaro ka taea te whakamahi hei kimikimi i ngā pātai haumarutanga

4 Me noho tuturu

Ka mōhio noa pea te pakeke, engari he uua pea ki te tamariki te mōhio kāore e pono ngā tāngata katoa ko wai ake ia. He mea whakaongaonga hoki ki te hiahia te tangata ki te whakahaoa, te whakawhitihiti kōrero, te whai rānei i a ia. **Me kōrero ki tō tamaiti mō ngā pōhiri, kōrerorero rānei me ngā tāngata tauhou, te take kāore i te haumaru, ā, me pēhea tāna whakarite i tērā.**

5 Me noho hoahoa

Me ako i tō tamaiti kia ngākau atawhai, whakaaronui hoki i runga ipurangi, ā, kia tūpato te kōrero, te tuari mōhiohio rānei me te hunga kāore ia i te mōhio.





Me whakatauira
ki a ia

6



Kei te mātakitaki ngā tamariki i ngā wā katoa, nō reira kaua e ngutu kau.

Me tirotiro he pēhea te whakamahi a ngā tāngata i tō kāinga i te hangarau.

Me whai whakaaro koe ki ngā tauira, whanonga, ngā mahinga rānei me whakaaroaro anō. Ka whakamahia ngā waea i te tēpu? He pēhea tō kōrero, ō whakairinga tuihono rānei?

He uaua pea te whakatakoto tūmanako mō te whānau mēnā kāore i whakatinanahia e koe.

Me matapaki i ētahi o ngā āhuatanga haumaru hira me tō tamaiti, engari me whakarite kei te mahia anō e koe.

Ko te wāhanga 'Tauira' te mahi tuaono o tā tātau pou tarāwaho. Ka whiwhi mōhio atu anō koe i netsafe.org.nz/role-model

Me hanga mahere

Me mōhio ngā taiohi me haere rātau ki hea ki te tiki āwhina.

Me whakamōhio atu ki tō tamaiti he aha ngā kōwhiringa e wātea ana ki a ia mēnā kei te pā mai ngā uauatanga tuihono. Me kōrero atu ia ki a koe, te whānau, he pakeke e whirinaki ana ia, tōna kura, a Netsafe?

I te nuinga o te wā he mahi nui ina rapu āwhina ngā taiohi. E ai ki ngā rangahau a Netsafe he maha ngā taiohi kāore i te rapu āwhina ina pā mai he hapa i runga ipurangi. I te nuinga o te wā ka waiho e rātau te raru, ka ngana ki te whakatika, ka pōhēhē rānei ka tangohia e ō rātau mātua te hangarau.

Mēnā ka haere mai he taiohi ki a koe me aro ki te whakatika i te raru, kaua te whiu i te hunga whai pānga, te muru rānei i ana pūrere – ahakoa i hapa ia. Mēnā ka whakakorehia atu e koe tana āhei atu ki te hangarau, kua kore koe e noho hei rerenga tuatahi mōna ina pā mai anō he raruraru.

Kua hangaia e Netsafe te Tiriti Haumaru Whānau Tuihono hei āwhina ki te ārahi i ēnei kōrerorero, ā, kia māmā ake ai te wheako.

E toru ngā putanga o te Tiriti kia hāngai ai ki ngā rōpū taipakeke rerekē netsafe.org.nz/family-safe-online-treaty.

Ka kite anō pea koe koinei pea te wā ki te tirotiro ki ā tātau mea wāhi i ngā kōrero kia tīmata ai.

Ko te wāhanga 'Mahere' te mahi tuarua o tā tātau pou tarāwaho. Ka whiwhi mōhio atu anō koe i netsafe.org.nz/plan





Tiriti Haumaru Whānau Tuihono

Ko te hiahia o Netsafe kia haumaru, kia pai hoki te wā o ngā tamariki o Aotearoa me ō rātau whānau i runga ipurangi me ā rātau pūrere. Ka whaitake pea mō ngā whānau te whakaae tahi ki ētahi aratohu kia taea ai tēnei.

1 ME WAIRUA MANAAKI

I a koe i runga ipurangi, me whai whakaaro ki ētahi atu me te kōrero, te tohatoha rānei i runga i te wairua manaaki.

2 ME NOHO KI A KOE ANŌ

Me noho haumaru, tūmataiti hoki ō kupuhipa me ō mōhiohio mōu anō, mō ētahi atu rānei.

3 KIA TŪPATO

Me āta whakaaroaro koe mō ngā mea ka tuaritia e koe me te whakarite he āhuatanga papai ki a koe, ā, ka pai koe ki te tuari me tētahi atu kanohi ki te kanohi.

4 ME NOHO TŪTURU

Ehara i te mea he tūturu ngā tāngata katoa ka kite koe i runga ipurangi. Ka tūturu pea te āhua, te tangi rānei, engari he teka, he meho rānei ētahi mea, nō reira me āta tirotiro, me pātai rānei ki tō kaiako mēnā kāore koe i te tino mārama.

5 ME NOHO PONO

Ina kape, whakamahi rānei tātau i ngā kupu, pikitia, whakaaro rānei o ētahi atu mai i te ipurangi, me whakarite tātau kei te tika te āhua o tā tātau tuari i ēnei mea me te whai i ngā ture mō te tuari i ngā mea ehara nā tātau.

6 KIA TIKA TE ĀHUA

Me mātua pātai ki ngā tangata mēnā e whakaae ana kia hopukia rātau, te tuari whakaahua, ataata rānei kei roto rātau. Me whiwhi kōrero rātau mō ngā mea ka whakairia ki te ipurangi mēnā kei roto rātau.

7 ME WHAI TAKOHANGA

Mēnā ka heria mai e koe tāu ake pūrere ki te kura, me whakamahi e ai ki ngā tohutohu me ngā wā i whakatauhia e ia.

8 ME WHAI WHAKAARO

E wātea ana ngā āwhina koretu me te matatapu mai i Netsafe (netsafe.org.nz, **0508 NETSAFE** rānei) ki te pā mai ngā uauatanga i runga ipurangi.

He aha ētahi atu aratohu whaitake, ā, ka aha mēnā kāore e whāia?

Mēnā kei te hiahia āwhina mātau nā tētahi raruraru me tēnei Tiriti ka kōrero atu mātau ki:

E whakaū ana taku waitohu kei te whakaae ahau ki ngā aratohu i runga ake

Waitohu o te tamaiti _____

Rā _____

E whakaae ana ahau/māua kia tika te whakahaere i ēnei aratohu. Me whakaaronui ngā tāngata katoa mō te whakamahi hangarau, ā, me hui te whānau ki te kore e ū ki ēnei aratohu. Ka whakahoia me te whai ahau/māua, engari kāore e whakamomoka tuihono i a koe.

Waitohu matua/kaitiaki _____

Rā _____



Tiki tautoko

Kei reira ngā tūmomo wāhi hei tiki tautoko mō ngā take haumaru tuihono.

 netsafe.org.nz

Netsafe: He tuku i tētahi ratonga haumaru tuihono matatapu me te koreutu mō ngā tāngata katoa o Aotearoa. He āwhina i ngā tāngata me ngā whakaweti tuihono, mahi tūkino, nonotitanga me ētahi atu uauatanga tuihono

 certnZ

CERT NZ: He tuku i ngā mōhiohio whaitake me ngā tohutohu me pēhea te whakahaumaru i ō mōhiohio i runga ipurangi. Ka taea anō e koe te pūrongo ūraruru haumarutanga ipurangi.



Ngā Pirihimana o Aotearoa: Mēnā ki ōu whakaaro kei te noho mōrea koe, tētahi atu rānei, i takahia rānei te ture me waea atu ki 111.





Me tūhono ki Netsafe

He whakahaere kaupapa arumoni-kore motuhake a Netsafe e ngākau tapatapahi ana ki te haumaru tuihono. Ka whakahaumaru mātau i ngā tāngata i runga ipurangi mā te tuku i ngā tautoko koreutu, mātauranga me ngā pūkenga maiki tuihono i te whitu rā i te wiki.

Whakapā atu ki te waea āwhina a Netsafe

E wātea ana mātau i ia rā. Ahakoa kei te whakatūtaki koe i ngā mahi whakaweti tuihono, he tono tuihono tūpato, kei te hiahia tohutohu rānei koe mō tō whānau, ka taea e mātau te āwhina.

- Waea koreutu mai ki 0508 NETSAFE
- Īmēra help@netsafe.org.nz
- Patowaea ‘Netsafe’ ki 4282
- Pūrongo tuihono i netsafe.org.nz/report

Haere ki netsafe.org.nz

He mōhiohio, kupu aki, aratohu āwhina-whaiaro ā mātau mō ngā tūmomo take haumaru tuihono. E whakaratoa anō e mātau ngā rauemi ki te rāngai mātauranga me ngā tohutohu mō ngā ia hou rawa mō te haumaru tuihono.

Tirohia te netsafe.org.nz/digitalparenting

Me noho mōhio

Ka taea e koe te ohauru ki tā mātau pānui ā-marama i netsafe.org.nz/newsletter, whai rānei i a ‘NetsafeNZ’ i runga Pukamata, Tīhau, me Kapoata kia whiwhi ai koe i ngā kōrero hou rawa mō ngā rongokōrero haumaru tuihono, tohutohu, kupu aki rānei.



Tūhono mai ki a mātau
Kia whiwhi ai koe i ngā tohutohu hou rawa

@netsafenz

